

元亨釋書

十一卷

芝子方照

特別
八四
5587
7





九耳釋書卷第十一

感進四之三

理滿法師

子嶋寺真興

延曆寺餘慶

一乘院定照

睿山平忍

勝林院寂源

濟北沙門

師鍊

撰

遠寺院

睿山睿桓

延曆寺慶圓

睿實法師

書寫山性空

睿山蓮防

修學院勝筭



三井行圓  
石塔寺寂禪  
蓮長法師  
睿山教真  
免原慶日  
國上山佛蓮  
安部山暹覺  
賢林寺戒深  
行仙法師

大原山良忍  
行空法師  
楞嚴院以圓  
小田原經源  
覺勝法師  
高野山維範  
高野山琳賀  
南星峰圓久  
仁和寺性信

仰事吉野  
讀經奇

仁和寺覺法  
睿山睿好  
蘄嶽良箒  
超勝寺清海

基燈法師  
愛太子山仁鏡  
雪彦山玄常  
鞍馬寺重怡

日歲自悼舟度人  
釋理滿内州人師事吉野  
家服陰委藥自此於色境永絕想專誦法華  
靈瑞甚多隱而不語滿在一檀信家讀經數  
歲一日宅主從戶隙見滿讀經一軸了置几  
上又取一軸而讀先軸自踊高尺餘自卷至

標紙而居凡次餘軸皆然宅主生希有心見  
了奔出合掌曰甚希經卷踊上自卷非師之  
靈感焉至此乎滿誠主曰是幻化耳不可語  
從若屬流布我與子絕宅主守約不言滿沒  
後始傳備好利濟於渡口設一小舟自棹度  
人或入病宅施藥物不視親疏不望報謝嘗  
曰吾若因經王力當生安養願二月十五同  
出尊之滅度暮年有小疾果佛涅槃日誦寶  
塔品至是名持戒行頭陀者即為疾得無上

佛道向而寂

居台嶺持法華教放光

釋睿桓居台嶺學教觀兼持法華嘗作思惟  
初發若僻萬行徒施當發圓教太心修實相  
妙行誘引六道衆生悟入一實知見我見近  
來行人或營外相苦行不作內心觀念或施  
依報資財無正報信慧徒感人天果報無階  
三乘位次是以率身戒律午後厨不起煙科  
義定心相應誦經纔涉散念雖誦捨數如是  
精誦一萬餘部釋迦放光照室普賢摩頂慰

誘如是奇瑞多藏不語鳥獸掌中受食鬼神  
隨侍供給臨終手執香爐誦法華端坐而逝  
贊曰凡持誦者逢一勝相身心欣悅不自持  
矜語衆人術異誇奇滿公戒檀信以絕交之  
語豈其萬頃之量陂乎桓師科義相應捨散  
取定又爲宜也其不語瑞相似同矣二子者  
持誦之準規乎

成唯識觀卷第十

釋真興興福寺仲筭之徒也精因明世曰成  
唯識觀嘗昇兜率天觀慈氏藤丞相教通聞

之常欽慕興於所居道場現觀史宮令丞相  
瞻禮興之所居曰子鳴一日出歸子鳴鬼魅  
百餘輩伺路行列似侵忤興問僕曰汝等何  
所見乎對曰無見興入唯識觀群魅皆仆仆  
後僕人得見長保五年爲維摩講師相國藤  
道長尤加優禮救赴最勝會講已懷出草屨  
自著不歸南京棲子島後人貴之不字呼子  
鳴先德

行北斗法

釋慶圓姓藤氏播州大守尹文之子也登春

山師事三昧喜慶粹于密教一時修此牛法  
設供物於壇上團欒而繞之至召請印明七  
星降壇各著圓供之列蓋本軌者方壇也圓  
壇始千圓也長和二年為僧正其冬轉天又  
領座主寬仁三年七月二十一日卒歲七十  
五  
贊曰大哉吾佛之設化也或密或顯其則不  
遠濁世五濁之下土空居遊空之上界漫漫  
眇眇矣自佗視率陀方圓換曼荼二子者善

執柯乎

釋餘慶瓊州早良人也遊一山谷遙聞鐘聲  
尋至其所禪房幽邃一比丘讀法華年三十  
許慶相羊庭隅比丘停經揖慶上堂晤話慶  
問曰年幾乎對曰一百余慶勸其終比丘乃  
誦至安樂行品天諸童子以為給使之句二  
童忽降一人持供一人把蓋比丘分供為二  
一分自喫一分與慶慶嘗之其味甚美非人  
間有也已而告辭比丘曰此地常人不至今

相羊 後馬術賊 乘翠羊雲 而相伴 注道遙 也亦作羊 楚辭聊 道遙以 相羊 武帝賦 惟幻羊 翔也

日歎語為幸甚慶曰失路多幸到於聖境欲  
傳此事以何為驗經傍曲几願見頰焉比丘  
有恠色忽十童兒出護几慶元歸不動尊持  
念須臾忽大聖明王現形奪之十童拒之其  
几中分為二一半在比丘處一半至慶前慶  
携而歸慶謁藤大師忽空也法師入來也臂  
不便慶問所以患對曰我稚孩時父母相媚  
母恚捉我投地自爾左臂不順父聞蘊法驗  
乞見惠乎慶諾於是乎相家子弟奔集見之

慶瞑目持誦乃執也臂引之爆然聲出屈伸  
如右也作禮三拜太師以下莫不嘆伏時人  
曰彌陀之病明王之醫天元二年補園城長  
吏四年任法性寺座主慈覺之徒許朝喧爭  
語在黜爭志永祚之始為延曆寺座主正曆  
二年閏二月十八日化年七十三諡智辯慶  
有四神足勸修勝義慶祚穆筭也  
釋睿實專持法華嘗居愛太子山大雪不霽  
數日無餐取竈土食之其味甘美一夕誦經

比丘俗  
形而有  
神通

白象來現口吐光照草庵晚往鎮西營世務  
蠶桑耕獲人不測之或啜酒肉或擐弓矢一  
朝向燒魚誦經魚則蘓息赴水放之游泳而  
去又負弓矢而出傍人見之蓮花數莖怪近  
熟看弓矢也肥州刺史謗實掠家財實不拒  
後日妻有病而狂醫巫不効家人曰實師誦  
經必有威應願屈之守嗔曰彼比丘破戒在  
家豈得感驗乎左右荐乞守曰汝等自呼我  
不敢也家人來請實曰我不知佛法何延我

邪家人志堅實不得已而來病婦隔屏而卧  
實誦法華末終一軸神人投婦於屏外實前  
鞭撻數十見者寒心神人隱去婦起坐身心  
輕安刺史頂禮悔謝返所奪財實不受實有  
慈行寒冬脫衣與凍者自無服乃啓大箱充  
木葉躡其中持誦如常或途中有沉痾者尿  
屎塗漫臭穢難近行人閉目掩鼻而過實看  
養而誦經病人多愈焉天祿帝有狂病敕實  
持念與官使同車入官路傍有痾疾之人悶



自少年无色犯一指觸女身故以指為娼并犯枯樹生花菓

官

絕宛轉實下車者候官使責曰已奉詔旨何  
滯此乎實曰我尊卑平等隨緣救濟又萬乘  
之主有恙何山何寺名師碩德不應詔邪無  
告病人非我難看不忍過也遂止其所不赴  
釋定照姓藤氏京師人學法相仁數受密灌  
寬空自少年無色犯嘗曰少時一指觸女身  
我此形骸一指為娼餘無不清淨即以指為  
獨供養三寶發露懺悔照住山階寺一乘院

有橘樹自然枯瘁寺眾欲斬去照誦大佛頂  
咒加之其日生萌芽過數日枝葉滋茂漸生  
花果倍前時其橘樹今猶在焉常誦法華適  
從南京赴上都到洹河暴風俄來波濤怒鼓  
舟人曰舡當漂覆照不恐時天童十人自河  
中出手捧照舟不泛水波漸著岸上十童即  
沒河兩岸見者嘆未曾有照曰十童者十羅  
刹女也又供不動尊尊屢現形語話照眼道  
福東寺興福之長務皆所歷任也永觀元年

三月二十一日臨寂誦藥王品至於此命終  
即往安樂世界乃至眼根見七百萬二千億  
那由佗恒河沙等諸佛如來向三誦已語門  
人曰我屍莫燒縱為枯骨猶誦法華饒益一  
切語畢結定印端坐而滅門人隨遺命其墓  
果有誦經聲又聞振鈴云

釋性空平安城人大中大夫橘善根之子也  
母源氏諸兄皆產難孕空時母欲食毒藥壞  
胎而及誕殆不覺出胎之時奉右手而不開

父母強啓之有一枚針生三日忽失所在父  
母愁求在庭花叢中安坐從幼至老面有微  
笑姿絕不產言十歲持妙法華年三十六出  
家尋人跡不至鳥音不聞之深山乃徃日刈  
霧嶋結廬而居或隔數日而食或不食而歷  
旬或夢中受美膳覺後肚裏能飽余味在口  
或從經卷內忽爾精白粳迸散或爇餅出其  
味非常比或夢人送餐覺必有餽是以雖苦  
行絕食身體肥滑光彩過人或寒夜弊衣皮

膚如冰忍寒誦經忽從菴上垂繖覆身居四  
歲移住筑前州背振山一日誦法華兒童數  
人年可十五六來左右同誦容見奇麗音韻  
清雅空在書寫一夕夢金剛薩埵授兩部密  
教覺能記持適睿嶽萬上人來山空說夢事  
萬公聞已流淚曰兩界印明不違一事但有  
一印異予之軌然夢授甚詳恐軌之誤乎先  
是空未聞密法人傳為異增賀法師在多武  
峯求上紙空送之賀歎曰空公者其淨六根

與神童二人一日乙一日若侍左右凡有使  
令先意能辨乙童擊同役而弊空呵驅去童  
雖悲泣悔訴遂不許初永延二年化人來告  
曰播州有山曰書寫是鷲嶺之一峰也居此  
者發菩提心得六根淨空至彼山結菴西洞  
茅薦為席紙楮為衣山禽野獸無機自馴漸  
創精藍號圓教寺空於山中每歲三九月轉  
妙經為州民之福偶因事二年闕典春三月  
空如廁長尾靈禽居傍樹鳴曰春秋訖缺二

年會讀誦還勤一乘經空書鳥吟告衆復會  
天祿上皇使華入山堅卧不起長保四年寬  
和上皇入山幸廬救延源闍梨圖空像并記  
行業下彩筆時山動地震上皇大驚扈從皆  
畏空曰勿恐也見貧道故有地動像成亦當  
震盡畢山川大震上皇下地禮空寬弘四年  
三月十三日誦法華而卒年八十空身無蟣  
風胸間雕彌陀像能知佗心所止之處緇白  
成市施利如雲見形聞聲之輩皆作遭佛想

檀信送食使者或觸之能知而不食或善人  
來謁預設牀坐不善人至先逃山壑異迹甚  
多不遑備載

釋平忍者尊意之徒也性潔白不染俗瓦器  
為鉢麻衣外無餘服專持法華無佗業年八  
十餘一日白意曰今日往壘率內院故來告  
評言已起去意謂弟子信賢曰忍之言可怪  
恐有病乎送藥石訊之使者復命曰忍已逝  
意公嘆異臨終告門人曰大虛之中有妓樂

持法華  
往壘率  
內院

持法華  
夢普  
賢象  
象立

汝等聞否堯率天迎我也言已氣絕天慶元年也

釋蓮防睿山慈念之門人也性素潔清苦勤勵有密學持法華修法靈感人被勝利結夏於江文山張大笠為場拂平石為床晝夜不卧數日不食或只菜蔬又去鹽味專誦法華修懺悔夢普賢乘白象對立毗沙門天善言慰諭沒時手把經卷而逝

釋寂源左僕射雅信之子也俗名時信以門

永延帝  
窮冬  
和梅子  
夜向樹  
持有  
安

業早上羽林俄厭世相從池上皇慶學顯齊之教長和二年入太原山創勝林院六時行道一日毗沙門天執蓋隨後其天降之室今猶存臨終之時紫雲垂布床上云

贊曰慶實照空者可謂神異無方矣然實之下車也照之然指也誰敢嬰其慈進之鋒哉源防之感天神忍師之昇內宮者機軸同矣釋勝筭姓滋野氏洛城人十四出家學台教一日官中與橫川源信對論筭屢滯澁返睿

山白其師曰願拾顯入密師諾之修練精苦  
早得靈應永延帝不豫膳職已廢時窮冬帝  
求梅子天下競索而不得箕居修學院庭有  
梅樹夜向樹持念翌旦告人曰汝看庭梅有  
實乎使者到梅邊適大雪覆埋枝條皆沒歸  
報事箕曰拂雪見之使者如教果一枝纍然  
宛如初隻折枝獻宮君臣嘆嗟帝嘗一兩顯  
病立差皇后上東門院狂疾召箕加持神人於寢  
上梁間縛靈靈叫呼聲震宮中后乃愈公主

娟子長曆帝女下嫁源僕射俊房有狂病微  
服詣房乞加護中夜呼曰救我救我有龍加  
劍我頂童又以繩縛我侍女驚懼翌晨狂息  
藤相國道長長子賴通病狂相國令如修學  
院求法救中途氣絕猶昇入院相國尋駕來  
哀懇甚切箕以自膝為屍枕持誦須臾忽蘇  
息相國大悅起禮三拜源信之姝安養尼狂  
病頓殂信鑿屍乞法救箕持念護身尼便蘇  
信不任感喜三起拜箕箕笑曰昔年宮論之

恨今已消矣。信又笑謝播州刺史佐公行微時從筭游一日語曰我得一牧足矣。恨無由也。筭曰待之不晚耳。不幾得播依是佐氏建修學院報焉。永延帝上為官寺。正曆三年補園城寺長吏。寬弘八年十月二十九日滅年七十三。病中賜號智觀。

賁曰學者之稟業也。慎所擇耳。不然勞而功寡矣。智觀可謂好擇矣。若不擇豈屈作公之膝邪。將又以憤激乎。昧者遭加已者懷毒害。

焉不即屈焉觀也。因一踏擇而激後學之式也。予遊修學院一龐眉指庭樹曰是靈梅也。予附而見苔痕封裹從根至枝時冬仲無葉不辨何樹剔苔爪枝始知焉。其地睿山西麓。互陰甚。諸樹又封苔。會微雪霏霏點綴枝枝。因而憶埋條之事。眷眷繞樹如對筆師人去而境留境亦人也。况梅之靈乎。

釋行圓。姓源氏。通議大夫國舉之子也。初圓已冠為進士名國輔。隨父赴州。有嬖妾留在

都下國輔繫繼央央一日潛歸問女或曰近聞其人病無看養不知已終不國輔尋求往野其屍脹爛不可見也國輔不還家即入園城寺剃落遊智靜心譽之二門以故精修學修如意輪觀自在供大悲尊現身放光常與山王明神清談明神曰我名山王公委之乎表三諦即一也山字豎三畫者空假中也橫一畫是即一也王字橫三畫者三諦也豎一畫又一也二字三畫而有一貫之象故我立

為辨也一心三觀一念三千亦復如是是以我護持台教鎮覆國家我身外無名名外無身即身而名即名而身名外無法法外無名即名而法即法而名身與名法無二無三是名一乘我名義也

釋良忍尾州富田人也登睿山聞台教於良賀真密灌于永意承德之始隱棲大原山創來迎院夷基趾作結果法鬼魅相語曰師之法力雖驅逐我等法末之時我等當又歸止

創大原  
未迎院  
并聲明



時忍親聞焉待賢皇后官人有問道於忍者  
常常來院一日未通謁先態殿陛自思言我  
是婦人屢入精藍惡少之者恐貽疑謗不利  
吾師我雖慕道切不亦來矣忍在殿內開扉  
告曰姊之先思又無妨只願固志於此不亦  
美乎官人自茲思忍之不凡就而藉染法名  
法性忍修八字文殊法庭上大石變為師子  
迴旋哮吼一日異人來謁言曰師盍謂融通  
念佛乎忍曰何謂對曰迴我所唱融會衆人

衆人之唱又通干我是融通念佛也其功踰  
獨稱不可勝計何以故衆生無邊故師願以  
此事勸誘四海我又廣倡天神地祇耳忍曰  
公誰乎對曰鞍馬寺毗沙門天也語已不見  
忍自此常唱融通念佛又作疏博勸四衆天  
仁七十四代鳥羽己丑二年來迎院成忍於此地唱顯密又闢聲  
明梵唄天承二年二月一日亡年六十一忍  
建一字度大藏經律論名曰如來藏所持彌  
陀經時時放光其徒收之置藏中

贊曰妙千萬物陰陽不測是世書之所謂神也吾教受佛救護我法然未聞演出真理之如山王天王之精微矣此方多言有應化之神恐其然乎又是二子精修之感發也或曰融通之說有據乎余曰般若若有隨喜一品龍勝菩薩剖析於智度中化人之言相似同矣釋寂禪姓菅野氏平安城人筑州刺史文信之子也仕官至工部員外郎而不樂冠簪存氣蕪染父不聽長和四年年三十上台嶺禮

近興蒲生郡  
石塔寺  
阿育大王八萬  
四千舍利  
塔一區也

一宿上人  
蒲生郡  
三千餘戶部

座主慶園受戒從慶祚阿闍梨受三部密法後居近州蒲生郡石塔寺阿育王八萬四千舍利塔之一區也治曆三年八月初患風痺至望愈其後日日沐浴二十日命門弟子曰明日浴湯辨干鷄鳴弟子從之便澡浴了踞跌繩床念佛而坐黎明異香盈室弟子窺之如竊而逝茶毗四遠薰郁舊庵及闍維地三日薰不滅釋行空出稱一宿上人所居不經兩夜以故

誦法華經  
一月千部  
古迅疾

五畿七道無不行遍隨身之資具三衣猶不  
全況其餘乎只法華一部而已晝讀六部夜  
亦爾行旅之間或迷路天童示之渴乏時天  
女與水若病苦天藥自至鉢供甘露現前年  
九十歿鎮西臨終天衣自纏身蓮華承雙足  
普賢文殊降現摩頂云生平所誦三十餘萬  
部

釋蓮長長延法師之畏友也天性精勤持妙  
經非沐浴不解帶晝夜不卧床無枕金峯熊

野志賀長谷凡日域之中所有名區無不跡  
各寓其地誦經千部長唇舌迅疾一月終千  
部臨終時手把不時蓮華一莖鮮白薰烈傍  
人問此花從何得塔曰是則妙法蓮華也言  
已而寂手中蓮華忽然不見

釋以圓博士江以言之子也居楞嚴院學顯  
密得敏悟之譽少壯之年有小病病中一七  
日暗記法華天喜中數月卧病興福寺圍緣  
與圓厚時緣在法成寺夢圓披袈裟來前緣

臨終夜  
蓮華  
降室

作紙衣  
為臨終  
衣

問比來沉痾已愈乎。圍曰：今往安養，舊好不  
忘來。碎耳語已，西飛去。翌早，緣遣使慰問。門  
人曰：此曉已寂，緣不任悲感。

釋教真居延曆寺業義學兼修念佛三昧。臨  
終夜，蓮華降其室，繽紛散亂，見者八人，餘不  
能看。茶毗之地，異香不竭者七日。

釋經源，洛京人也。居興福寺，學相宗。移住小  
田原，練若修察法。暮年染微疾，一日語門弟  
子曰：三日後我當往，即索沐浴。次日又浴，至

三日，披自製紙服，蓋源預裁為臨終衣也。向  
彌陀像端坐念佛而逝。經三日，合掌，手不傾，  
容貌如生。而口右角津液出，弟子以布拭之，  
其香薰烈，沉檀不可比。肩輿至茶毗所，其體  
不傾已。而闍維時，西方喧聲念佛，其響如三  
十計人。徒眾聞之，見近地無一人。其香液薰  
布，今尚在舊房。年八十四，永火年中也。

釋慶日，平安城人。居睿山，勤講學，涉顯密，內  
外之典，晚出本山，住攝州菟原郡，誦法華修

密供方丈草庵之外無別館經論花器之外  
無餘具持齋不飲亦不食油酒或兩夜出行  
前有持炬人後有擎笠者遠人望之走近見  
之無炬笠而日獨行遠避炬笠如先或搢紳  
車馬之客到菴駢闐村人近見又無人馬遠  
聞喧雜之聲如故溘然之時無病誦法華結  
定印而逝忽有百千人音悲號嗚咽村民往  
菴所而見雖聞哭聲不見其形時人皆曰炬  
笠搢紳及哭泣之人皆是天神諸聖之冥感

也

釋覺勝作州人也居越州坂南阿彌陀院修  
密教兼明戒律嬰病七日六時修彌陀法未  
嘗缺謂弟子曰我去後茶毗時聖僧群集應  
知我生極樂也語已入壇場修供爨不出弟  
子怪伺之端坐入滅闍維日果客僧七十餘  
真不知來處群集會喪衆人嘆異勝之言不  
徒矣

釋佛蓮居安祥寺後移越後之古志郡國上

山三時沐浴誦法華供使者倦三湯而逃去  
一時二童來曰我等二人能任使令自稱一  
名黑齒一名華齒強力勇健負薪汲水三時  
湯未嘗缺又拾果設食供給尤勤以故蓮不  
知世務離諸緣一心誦經終時安祥而逝二  
童過七七日而去

釋維範京兆人涉顯密晚入高野山居南院  
嘉保三年二月三日沐浴淨衣結定印唱彌  
陀而寂年八十六遺命曰我死不須茶毗待

小祥啓棺見之門人如命殯小廟室至期諸  
徒開棺支體儼然爪髮俱長初有信明亦居  
高野常閉菴門專修禪觀範入寂日室中有  
聲曰南院範公取滅度明遣人問之果然  
釋暹覺姓壬生氏豐之後州人性悍勇少為  
草賊承保二年幡然自改祝髮為沙門承曆  
三年結菴和州安部山痛悔前非勤修苦懺  
以故午孟一濕纔接氣而已麤布綴衲蔽體  
便足學窺顯密儀精篇聚安部之峯為精修

祈雨  
童王現狀

之區者覺之力居多保延六年春受微恙率  
衆僧唱佛号瞻仰彌陀目不暫捨端居氣絕  
後二十七日印手不亂面色無變遺言埋佛  
堂下肉身不壞至今見存年九十一臘六十  
六  
釋琳賀紀州那賀郡人始止興福寺學法相  
精因明後上高野山從良禪闍梨稟密學禪  
者明筭之神足也賀修學之餘勤干營搆伽  
藍塔婆多復輪奐又安六年八月十四日入

讀法華感舍利試以鐵錘擊不碎投水不沉

寂定預造室宇泊然宴坐全身不散建永之  
間元曆上皇幸山間賀之定化枉駕廟室親  
見定軀卿大夫之預扈從者皆合掌感嘆時  
去賀殆六十歲或曰賀祈雨善女龍王現形  
云  
釋戒深尾州賢林寺住侶也五十年餘不出  
寺門日夜讀法華又感求舍利一日庭上現  
舍利有音如雷色明白深試以鐵錘擊鐵砧  
上砧錘俱陷而不碎又投水不沉深歡喜供

養刻佛像安其中命終時向此像端坐結印  
稱彌陀而寂數日後身不爛壞趺坐儼然列  
人哀惜建廟闕之

闕音缺也

釋圓又台山西塔院聖父之門人也九歲登  
睿峰勤習學移居楞嚴院誦法華音聲和雅  
聞者感激晚入愛太子山住南星峯修無緣  
三昧行六時懺終焉日誦經而逝斂其屍幽  
谷每至黃昏有誦經音平時之聲不少改四  
十九日後不聞

生平誦法  
華死後  
有誦經音

錫者銑也

釋行仙從靜道法師學密教旁修念佛三昧  
不必念號專疑想觀居上野之山上性不莊  
飾或請唱導會新山中使腰銜斧赴檀家人  
貴其樸素凡親物不取又不辭只隨處恣人  
受用弘安元年秋受微恙端坐如入定而化  
時慶雲挂菴前竹苑如爆紫衣又奇樂異香  
充滿天外闍毗後得舍利其灰色紫而香仙  
先年預書臨終月日潛置篋底其徒滅後勘  
行李始得其書相顧益戀遺德



贊曰死不容偽矣我法切於此也然宥密偏  
念之者曰入三摩耶而已負願力而已雖狂  
叫顛死而無害矣是怠慢戒緩之言也豈吾  
佛之教哉今此十數師無慢緩之弊而不容  
偽者其已昭著矣就中留肉身感異人者清  
廟之瑟朱絃踈越乎

釋性信長和帝第四子母羽林大將軍濟時  
之女也皇后夢梵僧來曰我託宿后胎而後  
有身懷孕之間口絕董臙寬弘二年八月一

日生時神光盈空處幼稚<sub>壯</sub>如巨人長和六  
年帝昇遐哀毀起禮寬弘二年十四師仁  
和寺濟信出家乃往東大寺受具足戒治安  
三年年十九入觀音院傳法灌頂壇弘法大  
師九世之嫡孫也信性敏穎乘支學至梵  
字悉曇無不洞曉又耐勤苦或辟穀而度日  
或不解帶經年延久四年皇太子患疱瘡愈  
後面有癩太子甚耻令信修藥師法太子夢  
一沙門從仁和寺來以香水灑顏覺無面痕

承曆二年修大乘會平法勝寺上廻翠華其儀至今不絕初萬壽二年信為灌頂阿闍梨軌支嚴肅濟信法師不耐喜躍自起執寶蓋隨後密薩之時師為弟子擎蓋自此始承曆元年十二月十八日法勝寺成撰名德為落慶導師信中選文詔主寺務永保三年於別宮修孔雀經法勅信加特進僧階始於信應德二年九月二十七日唱彌陀端居而化年八十一茶毗帶不灰信神異多得法衣片段

預念珠願數者止痼痼醒狂瘧又以生食與狂病者皆得差

釋覺法承保帝之子也初法母為官人已有身後適富家相國及法之生奏之帝曰未知肖誰也少長收嶽帝收為王子乃賜仁和寺寬助稟密法習學有名帝一日宣助曰將小比丘來助即伴法入宮帝出密乘一秘尊像慎曰朕求小比丘慶讚耳助作色法自若乃昇座演讚詞音流暢羣臣嘆伏帝曰始朕疑

法今信真子也。又欽助之提誨耳。一時如金剛峯寺。次紀州。或新搆旅舍。延法入中。請待甚厚。法恠問之。舍主垂淚曰。遠聞德風。近佇來儀。我有小兒死已三日。不堪悲哀。忝望法救。不知得不即袖出小屍。嗚咽而慟。法曰。直饒小恙。尚不能焉。况逝經日乎。舍主告懇。法不得已。持念者久。其兒忽吐氣而蘇。朝野相傳。嗟異。仁平三年十二月六日化。

賚田富貴學道難。金口之吐演也。故東阿竟

陵之英。不出塵域而已。吾門鮮矣。纔摠持龍湖耳。然一者婦人也。才之難如彼矣。獨我國也。如寂擅美於先。信法揭德於後。相次間出多矣。其不難者何哉。嗚呼。利利之種。又或有差乎。

釋基燈周州大嶋郡人。苦修練行持戒。慈悲誦法華。每日三十餘部。眼耳通利。見聞數十里。世曰得六根淨。死時年一百四十餘歲。顏兒如三十許人云。

釋叡好三昧和尚之門人也與橫川勝行結友游歷諸勝地到肥前之肥御崎此地日域西南之隅奇石異木邁他所古老傳曰觀音地藏來應之區也好行暫駐錫一夕端正童女至語話其音清麗久而不見所去又清晨一沙門來亦不知從來自茲二人絕鹽穀精修過七日已第八之朝小艇泛海面漸近管絃齊作好行怪之熟聞其絃歌皆偈讚也好感嘆聽受行聞絲竹不聞偈

釋仁鏡南京人父母祈伽藍神曰若得男子捨為佛子即有胎九歲投東大寺習教法長精戒律午盂不重沾一時隻深山練行香火滅忽有持火人雖見手臂不見全體或深夜灌嗽瓶無水欲掬溪谷瓶水自盈如是之事九旬數十晚年尋求勝地聞愛太子山者地藏龍樹攝化之地不下唐之五臺峨嵋往居大鷲峯晝夜讀妙經六時修懺紙衣葛裘恬度寒煖一粥動經三四日或煮茶之外又無

○撰苦修積功勝相現前師子白象來馴護法  
神顯形侍奉年一百二十七歲

○釋良弇東關人也性勇健雜染後永絕穀鹽  
只食淡菜誦法華無作業常居深山絕壑不  
往來聚落荷葉木皮為上衣塚間樹下充勝  
場常言身是水沫命如朝露若愛護之甚為  
至愚況五陰假舍四倒惡鬼常居其中欺誑  
我心能作眾罪我何為邪鬼保佑乎是故不  
惜身命苦修精練又上金峰山住薜嶽數十

年持法華鬼神始現可畏形筭不怖後以果  
蔬為供猛獸毒蛇皆悉馴伏一時天女端嚴  
姝好遶筭三匝頭面作禮而去筭與人語口  
尚誦經雖瞑目眠經音不絕臨終時面有喜  
氣或問上人頃毀譽不動今何見乎荅曰生  
平孤露今受榮爵不亦說乎問者曰榮爵何  
荅曰捨塵勞垢穢之體昇金剛妙淨之階豈  
非榮爵乎語已而逝

○釋玄常姓平氏上都人也出家於春山持法

華兼有慧解後移播州雪彥山紙褚木皮以  
充衣雨降日照不著笠雖遠遊不著鞋持齋  
不缺或時時絕食不解衣帶不設卧具遇人  
必拜見鳥獸屈膝或曰喫一栗子經一百日  
或以袖百顆爲一冬糧能知他心吉凶禍福  
豫言皆中臨終先別諸友曰今日以後淨刹  
相見乃歸山中誦法華而終

釋清海身長七尺餘少好武林力過人後棄  
弓矢居興福寺一時徒有戰爭海已授甲又

自思言我昔從事於此中捐之入佛家今我  
又復先業豈我素乎便入超勝寺精勤苦練  
一日香煙之中彌陀像現其長五六寸漉不  
耐感喜便取像奉安今尚在焉

釋重怡伯州人也住台嶺學顯密後移鞍馬  
寺寺後有宇安丈六彌陀像怡占居於此行  
年五十不出山門修兩界供者六年矣又自  
大治二年三月至保延六年八月十四年以  
小豆爲筭唱彌陀號之百八十七斛六斗又

以一筥貯蓮子木棹子置佛前勸來詣人稱  
佛號傍設几案筆硯自記其數凡三千五百  
五十七斛九月有小恙預知命期沐浴新衣  
與弟子等問荅演法左手持五鈷杵右手持  
念珠向西命終年六十六

贊曰苦修者除障之媒也吾門尤加意焉故  
先佛雪山六歲單麻隻麥頂巢膝蘆貽規於  
我也六子者殆庶乎如怡之穗豆也世之持  
念者雖優波尼殺曇分不及其一邪

元亨釋書卷第十一

元亨釋書卷第十二

濟北沙門

師鍊

撰

感進四之四

園城寺行尊

寂福寺延朗

安部山慶圓

三輪山常觀

性蓮法師

三井寺齊遠

海部峯廣恩

蓮截法師

持法法師

法蓮法師

忍行五



興福寺賢憬

仁耀法師

睿山慧亮

三井證空

戶隱山長明

釋迦院文豪

慈光寺延救

無動寺仙命

楞嚴院信敬

蓮照法師

那智山應照

春朝法師

修禪寺永助

三井叡効

釋行尊諫議大夫源基平之子也年十二投  
三井明行出家性好頭陀十七潛出園城涉

跋名山靈區適行山路日晚獨卧嵒間於時  
一童子俄來與枕又到河岸無舡不得渡童  
子忽撐舟來已著岸童舟共失麗景殿妃長  
曆帝之嬖尊之養母也染邪疾尊呪樹一顆  
獻之妃嘗之病立愈櫃口齋宮公主延久帝  
之女受妖病救尊加尊裝少女令移魅焉  
公主即痊而失魅女大索五日遂不得尊持  
念焉偶宮殿藻井之上有嚏聲尊曰怪也便  
令護法神取之藻井破罅纔寸餘魅女自罅

嚏丁計切  
噴鼻也

罅呼嫁切  
裂也

隙出下君臣恠嗟永久元年九月上患腰起  
居不便宣尊持念尊侍傍讀千手大悲經已  
奏曰試授御手帝垂臂尊持之扶起玉體無  
恙有宮人被妖魅斷其髮上勅尊加持尊又  
飾幼婦持念其女懷中出小刀曰或令我執  
此刀切彼髮耳蓋宮人相妬為巫蠱也尊曰  
續髮焉女曰難矣尊曰汝已能斷豈不能續  
乎威怒甚厲少女以手結髮莖莖如元無復  
瑕類又文人藤氏有狂疾其魅託稚女喫故

紙數十幅宛如羊焉或試以尊之墨跡與之  
女縮手惶怖野別刺史平師季妻邪疾不愈  
經年乞憐於尊尊送袈裟曰病時覆體如教  
病愈而左右手不持尊呪桃子令啖其手尋  
差永久四年補園城長吏保安四年任延曆  
寺座主長承三年勅為眾僧上座尊居三井  
平等院初至越海之濱宿一家家女有病適  
亡父母就尊乞命尊坐屍側護身亡女忽蘇  
父母大悅觀尊以其地越之厨浦是也見今

尚為院莊焉

釋延朗姓源氏。但州養父郡人。大將軍義家四世之孫也。父義信。母平氏。生有奇相。頂尖出。似肉髻。目有重瞳。父鍾愛焉。累世珍甲秘仗。皆委焉。兒雖受重寄。無居俗志。自喪二親。潛往郡之比曾寺。讀釋典。年十四。投園城永證學台。教翌歲出家。十八。歸比曾之舊院。專讀法華。二十九歲。從睿山東塔山王院觀嚴受。兩部灌頂。又就養金阿闍梨。稟密印灌頂。

平治元年。大僕卿源義朝與金吾大將軍藤信賴取官誅。於時都督長吏平清盛率官軍圍朗坊。曰。師與源寇為近屬。又相黨乎。實聞源家器仗皆委朗。欲奪之。便放兵掠捕。朗欲不免。一心誦法華。於時端正天童自空降來。曰。我令諸兵士皆熱睡。師早逃去。朗奔出。官兵數百。眠而不知。自茲歷諸靈區。到奧列松島。宿一古寺。廢頽甚。又無人。清旦。里人捧珍膳而至。問其故。對曰。今夜夢或告曰。貴人寓

廢寺子等盍餉焉故我獻供耳丹列官吏盛  
則渾家染時疾二女已死徒僕皆卧相語曰  
非朗公加持我等不起懇乞朗曰我聞子之  
屬好畋獵以故受癘苦耳汝等若止狩捕我  
可施微効盛則則作誓付朗朗以香水灑生  
飯與之諸病人啜之皆愈二女已亡三日灑  
香水而蘓語曰羅刹二人追我姊妹過嶮山  
至一所宮殿高廣從樓門入庭上繫數百罪  
人時一童子白冥司曰閻浮提日本國延朗

上人加此二女願赦還本土於是玉冠之人  
低頭曰日本國持妙蓮華者延朗師之事不  
可違也童子率我二女出曠野告曰汝等罪  
障深便來此而朗師德威令汝等早歸耳汝  
等返本國歸佛乘奉朗公我等二人向野南  
行而蘓松尾神主相賴患眼病已而盲訴朗  
曰我罹宿累已失兩明然歸師者久豈無方  
便朗曰汝若隨我言試効微應神主曰我已  
鄉言歸者久矣况師之言豈有戾乎朗曰子

之五鷹一時放去乎神主便命其子賴康賴康講  
五鷹來石室前皆盡放去朗持念者須臾應  
時舍利出現朗便令賴康賴康藏神殿乃語神主  
曰你目早愈神主兩眼見物如故建久七年  
七月雷折松尾祠後大杉其木覆神殿欲斬  
之其枝大難制恐壓神殿若不伐異時小風  
雨又自壓倒神宮與朗議朗曰莫慮早伐又  
杉中有奇事耳已而加斧其杉如相避仆殿  
側於是乎杉中忽迸出一漆塔其內又有銅

塔盛舍利神官見之益信朗言便於祠之南  
建三層塔安之池側有大石白髮老人常坐  
其上朗問何人屢來此對曰松尾明神也擁  
護師法又聽師誦法華故數來耳又我奉師  
給使者二人以是為信言已不見朗謂徒曰  
二鳥來馴子等莫恠果如神言其石今尚在  
焉爾來二鳥外餘羽不入寺石室之前有一  
竿竹朗常愛洗都人有與朗善者適見之不  
知朗之所愛乃斬之朗尋而見曰夫竹者虛

心而便空觀也。故我約爲歲寒友，誰夭之乎？其日斬行者，携兒來也。兒游戲池亭，俄仆氣絕。昇詣朗所，朗持念兒，稍蘇。謂曰：童子自石室出，手執杖曰：汝父斬上人竹，故我罰汝。辱以杖打我，我故死也。今受所救，護亦活也。丹列海濱有神祠，巫祝事釣漁。一時大祝有病，俄亡。聞朗之感應，諸祝來乞法護。朗持念加持，大祝便蘇。於是乎闔家相謀曰：朗師於世，財無取，我等將如何？朗聞之曰：有一事聽我。

乎。祝曰：師之靈恩，豈有乖乎？朗曰：願祠前海墘數里禁釣屠，此事雖吾願，又汝等之福田也。巫祝聽朗立，四至而放生。朗又報神，創三十講法會，每歲修之。其後一列助喜爲大會。於今轉盛。安元二年，移松尾山南寂福寺。朗穿大池，建殿其上。檀信四來，荷鋤鑿施巧力。朗語曰：鑿三尺靈寶出，得之者子孫富。檀越源康俊聞之，信受加力。掘焉，果得一面古鏡。康俊及衆人嚮朗言之，不食也。康俊遂累巨

萬一日癩人來啓曰夙障重受奇疾願師道  
力救我困厄朗起慈心便於浴室傍親自洗  
濯數日後眉毛漸生膚體鮮滑源廷尉義經  
以波列篠村庄為朗衣孟資朗拒焉廷尉強  
之不得已而受然不課稅先免三年租後或  
有輸者朗曰衆民之中若唱一萬彌陀之號  
免一石之租以故民家殷富戴朗恩惠越後  
別有平資長將軍維茂之胤也家世雄武亦  
自負焉一日謁朗令僕持大弓長矢朗心怪

疑語曰世哉子之器仗也試彎架看資長乃  
引弓其矢餘一握國俗量箭以手握斡為朗  
指其餘曰是處誰箭乎資長覩然不言逡巡  
而出朗語人曰資長矯侈僭其器仗恐有不  
終耳壽永之河源義仲舉義兵應官軍資長  
黨平氏拒義仲中夜空中有聲曰資長與逆  
賊罪不赦資長聞之身體不能動至曉而亡  
朗之機鑿類之承元元年冬詔門弟子曰我  
當與世尊同歲今年七十八來年其歸寂乎

我滅後山西高峯光明出其所我墓也汝等知之至除日入道場閉戶斷食轉經念誦明年正月四日五更啓扉出告諸徒曰我住世只八九月而已十二日夜端坐向西結八字印唱三佛號吉祥而逝天樂妙花瑞雲奇香石室內外薰霽散響西峯果有光諸徒立塔其地焉

○釋慶圓鎮西人也初止和列安部練若適立一徒見九相變固心真諦自此事抖擻晚居

吉野龍門寺親書大般若華嚴大集大品法華涅槃等經并台教玄義止觀文句及真言諸儀軌等多武峯有方等法行數月狂疾不羸迎圓加護圓已入房等努目瞰圓乃取火著燒爐中手弄之圓軟語慰誘授菩薩戒等微笑曰我燒火箭且欲熱師耳聞師誦戒我心已降圓曰公誰乎等曰我是覺鏗也此等法師誣我曰即身成佛之印言者鏗始作之殊不知三國相承兩部秘奧之印明也我只



欲言此事屢託等耳非鬼魅之類矣。圓曰：幸甚。今逢名德，得聞未聞清談，良久等病，即痊。圓詣八幡神祠，近祠一女，立家門，悲泣歔歔。圓憐問之，荅曰：去夜我母逝，我寡不能舉喪，是以泣耳。圓愍女言，中夜負屍葬于野。又謂神忌穢，不可近也。其夜宿馬場小舍，持念回施。五更一男子來，曰：無緣悲葬我，歆之厚，有何忌諱？速來晤語。圓大異，乃與男子至祠前。於時天未曙，人人皆眠，圓思男子異人，溥諮。

法義男子一一荅釋明白。又曰：我本身者釋迦文佛也。言已不見，後圓見弘法大師親畫神體，始定神感。圓屏居室，生山一千日，還過河橋，忽貴婦人至，儀服甚靚，而不露面。啓曰：願授即身成佛印。明圓曰：師誰人乎？授受之間，必稱名字。我思聞之，女即稱曰：善女龍也。圓付印。明女曰：過去七佛傳受，皆然，亦無違錯。圓曰：我欲見女顏。荅曰：我形可畏，人不可見，而尊旨難忤，豈可已哉。便騰空中，出右手。

小指其爪長丈餘放五色光倏忽隱沒圓供  
舍利一千日散日壇上及花瓶皆出舍利凡  
千餘粒諸徒分持焉貞應二年正月二十七  
日結印誦咒曰我口中甚甘如含甘露言已  
寂年八十四預三日言死期荼毗後其地有  
光大如蓋徒衆不知以爲光恠其明松葉可  
數明朝相尋識荼毗之所初和列有堯信者  
受狂疾凡有加持慢罵揮斥其父屈圓乞救  
圓到彼信恭敬作禮曰比來陋比丘賤巫覡

厲聲呼號故我行慢罵耳今值高德又幸也  
願辟左右通我夙志圓去看病者信曰我先  
世欲灌頂不遂而亡餘執不竭受生鬼趣而  
法力所感尚有神威亦無苦報願垂悲救受  
與密灌圓曰公何人乎名字爲誰信憮然有  
耻容圓曰已乞授受豈忌名乎信良久曰我  
是中院僧都某也圓乃授灌頂信歡喜合掌  
曰宿望已足不久居此不知深恩以何酬乎  
圓曰我世心已灰餘何言乎而有一於此自

古碩師宿德臨終或遭魔撓子稱威神有意  
乎信曰我徒神力之者三百有餘伺人死作  
嬈害我誠其不敢為也言已信病愈圍臨亡  
無少撓豈信之靈受言與圍耐勤修一日之  
課五六人相分作之而不及也其護摩者至  
臨終先日云

贊曰慧難知矣進易見矣難何解也易何感  
也是以慧者不必無感焉進者不必無解焉  
今之所傳者易者乎其難者諸師之蘊也學

者思之乎

釋常觀止和列三輪縣修密教有慈行嘗詣  
吉野神祠路有稚子兩三輩相對而泣觀見  
其幼而哀慟怪問其尤長者女子年十二三  
許荅曰我等新喪母父遠去未歸母病時疾  
里人懼諱而不弔我幼婦人諸弟益弱不知  
所以喪故聚哭耳觀聞之悲謂我今業詣神  
祠神甚諱死穢然我寧廢此行不忍避此喪  
也吉野之詣其又可改創未晚耳便葬近野

欲還三輪然身俄強梗不能動乃自思而言  
我已約神中途犯穢而歸神其尤我乎又思  
我行悲救不邪倦也神豈多忤哉試向吉野  
而進體無妨矣復思我已無恙乎猶赴三輪  
身如前不得已行吉野既而近神祠尚不敢  
通憩一樹下而持念時有巫狂舞而出遙看  
觀曰彼比丘來此乎觀聞之以為我觸忌而  
來神又知之耳悚慄悔來巫漸近曰奉待者  
久向暮乎我不忌諱只貴師慈濟耳巫乃祛

袖引到殿前觀感泣而歸

釋性蓮者至孝國俗以亡人骨窆高野山蓋  
伴弘法大師龍華三會之大定也蓮携母骨  
赴高野路次尾別熱田神祠神宮多忌諱蓮  
不得宿便寓神祠南門側蓮知神忌觸故又  
不敢近祠也其夜大祝夢神官偉儀告曰神  
寄語於祝我今有高賓乞君致珍饗詰旦使  
使者檢祠中無人門側只蓮一人而已祝延  
蓮蓮告觸事祝曰我夢受神託知神之不忌

師也乃供盛饌送著紀列

贊曰淫祀多忌諱矣巫祝之者或矯大神焉而大神又或有之蓋令斯民索肅三業矣夫塵世之人紛紛擾擾無須臾階于道矣庶使嚮我之間少有復焉是所以大神忌諱之立也豈尋常淫祠之謂哉今見觀蓮之事益證我言之不削矣戲乎神也達乎

釋齋遠周別人居東寺後歸故國住玖河郡三井寺其地觀世音靈場也遠誦法華供香

花有年矣一冬大雪不晴人迹已滅過十數日遠耐飢寒誦供不輟會一狼來庭殺鹿而去遠煮鹿喫誦供如先雪霽里人來訪思遠飢死尚能熟烹揭鍋見之柏葉耳里人問何煎柏葉遠見肉變柏得未曾有具說本事里人嘆曰觀音慈力妙經威力并師修力者此靈應然後見觀音像腰股受切削乃知猪鹿皆大悲變化之作用也遠近聞見皆生淨信釋廣恩居吉野山海部峯寺志意精勤晝夜

誦經王暮年沉痾疲極不能起弟子勸曰師  
病甚重不治恐入死門如來許病比丘食肉  
願得藥魚充治膳思不聽弟子乞甚勤思不  
能拒便令童子行市買八尾魚中路逢俗輩  
見童知是思之後問曰櫃中何物童保思故  
俄荅曰妙法華也俗見櫃外魚汁流出又有  
臭氣語童曰汝所荷者魚耳何言妙經童曰  
已是妙經何曰魚乎俗思童僞相議稠人中  
開櫃辱之既而擬櫃童子中心誓曰我師多

歲淨業今罹困病為藥買魚非耽味也俗輩  
若見魚非貽師羞恐得謗罪況妙法華我師  
之所持也願魚變成經令避耻過俗輩啓櫃  
妙經八軸而已相顧奔去獨作疑地者趁童  
子跡屏寺院伺聽童向思述此事思生希有  
心不食其魚俗側聞跳出思前五體投地悔  
謝曰雖是實魚依師道力變作經卷然我愚  
癡故起疑猜自今厚結檀信之交矣  
贊曰心之有慕也猶古之有嗜嗜慕雙忘真

解脫也。我復思遠之事，栢葉者無味也。蓮華者法味也。豈二子之羌次乎？世只取于靈感者淺而已矣。

○釋蓮藏居大安寺，持法華，有法嚴者住同寺，持華嚴，二人移雲別相去，不遠，各占庵所，持二經者二十年，法嚴日食不給，常患之，神人語曰：我為師，每日送供，願不為慮也。嚴悅，自茲日日食時，神捧美饌而至，嚴以為藏不如也。一日語神曰：明日送二分，我餉藏師。神承

命而退，翌朝呼藏曰：我有美食，思分子。藏至食時，供神不來，二人相待，至晡不得已，藏歸房，神乃擎供而至，嚴嗔曰：何晚？神曰：我早臨此會，梵釋四王，大威德神護藏師，故是庵上四方空中，圍繞充滿，我小神不得近傍。今諸天已去，故我持來。嚴聽神言，自擎神供詣藏，語之懺說先志。

○釋持法專持法華，故立為名也。亦有誦金剛般若者，自号持金，二人住一山，相去半里，各

結草廬守戒律勤持誦持金比丘不待乞求  
齋食自然晨糜午飯菜蔬茶果悉皆備足持  
法比丘齋廚不給于檀越事分衛持金起憍  
誇心而作是念我持誦專注經法又優故諸  
天善神送供不令彼持法者持念散怠經法  
又劣是所以汲汲行丐也一時法之童子來  
金誇以天供事又曰汝師如何童曰我師無  
感依人作活耳童歸白師法笑而已次日持  
金天供不至乃至二三日金作大驚怪於般

若須菩提屢生惋恨夢白眉清癯一僧謂金  
曰汝雖誦金剛未足得法利何橫生怨恨乎  
金白曰多時送供為誰僧曰持法比丘憐汝  
故使十羅刹女每日送生耳汝不知之返生  
憍傲於法耶金覺後知老僧是須菩提也抱  
大慚耻乃詣法庵禮拜悔謝說夢事又曰多  
時見惠甚為大賜而數日不送何邪法笑曰  
比來適忘出生耳自今後不敢忘也翌朝金  
之供如前日金益傾伏云



贊曰予見慈惠南山之事與此相似雖佗方  
異人亦相並比何哉蓋介勝負彼我於懷者  
動有此等之怪耻是又神靈矯其操履也非  
經法之崇庫矣

釋法蓮奧列人居興福寺後歸鄉持法華同  
郡人有光勝者住元興寺業寂勝王經勝亦  
反里持經益勤二居密通道交和睦勝語蓮  
曰兄捨法華持寂勝所以者何此經一切經  
中寂為第一故題云寂勝王是以朝廷建御

齋會講論此經護持國家乃至諸列往往講  
說此經以為勝業所謂藥師寺寂勝會等是  
也一人所崇萬民所仰理趣深妙効感迅疾  
兄早棄彼就此蓮曰一佛所說那典不貴久  
持妙經不忍唐指勝默而止然時時挑之蓮  
不介焉春時勝語蓮曰我等各有齋田今歲  
田中不下種子不須耕耘以經威靈能令豐  
稔臨西收時視穀多少取經優劣兄若不如  
願改所業蓮許諾乃分田畝相齊而誓經春

入復勝之田苗秀滋茂蓮之畝草萊繁蕪牛  
罵徑踐未有一莖秧也村里皆輕蓮重勝孟  
秋之始蓮畝中生一莖瓠枝蔓布灌盡田之  
畦畛過三二日乃花乃實一一瓢大如瓠累  
累倒偃充塞田中蓮破一瓢盈中純是白粳  
粒米精長以斗量之過五及六蓮先供經王  
次施隣里緇徒又送于勝勝信伏嘆愧趨蓮  
處作禮悔過蓮告境內普施瓢米遠近競取  
隨取隨長至窮臘而歇聞見傳語稱為異迹

贊曰蓮勝之事迹偉特也而世以經言優劣  
者大惑也昔宋國持涅槃金剛者二人俄亡  
閻王嚴飾金座坐金剛之持者又以銀坐居  
涅槃者二人在世又相善涅槃者思而言大  
經四十軸我日課必終之金剛者一小經彼  
誦不過數卷閻王待人亦有偏乎王知之曰  
持誦貴專心不在多寡師讀大經貪多不精  
彼誦金剛卷少易專是以座自分金銀耳今  
二子之事相似而同矣勝以感應視經持而

不醇者乎況畜輸贏于其胸乎是所以其不  
如蓮也。不必經之尊卑矣。蓮之不介者其吞  
勝而不帶芥乎。以故一匏終歲。四來不計。嗚  
呼。無作之妙用與。

忍行五

釋賢懔世姓荒田氏尾列人也。妙年出家受  
唯識于興福寺。宣教天平勝寶七年。東大寺  
戒壇成。鑒真行竭磨法懔為受者。是本朝登  
壇受戒之始也。性耐苦勵勤。倦不倦。剥皮然

東大寺戒壇成鑑真行竭磨法懔為受者是本朝登壇受戒之始也

指兼有才識。延曆十二年。朝廷議遷都。勅懔  
見新都平安城地。是歲十一月。窈壽八十九。  
釋仁耀。姓石寸氏。和列葛木上郡人。幼歲。雜  
深姿儀。卑矮。取侮路人。而不以介懷。性慈。愍  
饑身。蝨蟲蚊蝥。忍可苦辱。遊心真乘。延曆十

行大威德法因善雄勝那都羅

五年二月。卒。歲七十五。  
釋慧亮。睿山圓澄之徒也。兼稟慈覺。初仁壽  
帝二皇子爭儲位。帝命二皇子鬪藝。勝者得  
立。兄惟喬弟惟仁。藝敵不決。乃賭力士相撲。

於是乎惟仁有羽林即將善雄惟喬武衛將軍那都羅羅膂力過善雄惟仁付亮乞法救亮乃修大威德護摩法惟喬又請真濟閣梨修密供都下皆知二沙門加二皇子也期日二人角力那都羅身體壯大善雄不及群臣以爲惟仁失也于時惟仁馳使告亮亮即執獨鈷杵擊破頭腦投爐火而供持念須臾忽大威德尊所騎青牛大吼一聲此時宮中善雄得勝惟仁立爲太子貞觀帝是也

昏師之病死 晴月秘符

釋證空事三井智興興有病醫治不効時膳部郎中安晴明究陰陽術權死生柄其徒乞救晴明曰法師病不起而我有秘符若以人相貸其方可試初興之徒患興之疾者多矣皆曰我等若者命之可代者亦不辟焉及聞此事蹇縮而不應空謂爲法捨身大士之常況貸師死我何遜乎便報安氏同侶無不嘆伏空曰我尚有一母年甚老矣若不往辭恐懷愁恨我又欲一見赴死耳乃往母所陳事

母曰我老命在且暮唯憑汝汝其先我乎然  
思汝生替師雖死不遺妾於地下矣如汝勇  
勤我欽歎之空歸房安氏施方興疾立愈空  
早受病身心惱逼空生平持不動尊此日非  
夢非覺明王告曰汝已代師取死我豈不換  
持者乎空感喜禮像熟見其像似有病質淚  
滴在眸應時空疾即痊都下傳為奇事其畫  
像淚痕如新後又不滅世號泣不動尊門屬  
秘授今尚存焉

○釋長明居信州戶隱山年二十五絕言話誦  
法華亦三歲不偃卧一日語人曰我是一切  
眾生喜見菩薩也來此所燒身已三回今命  
盡上兜率便積薪入內自焚康保年中也

○釋文豪居洛城四條坊釋迦院治曆二年五  
月十五日於鳥部野積柴燒身傾都瞻禮嘆

嗟

○釋延救武列慈光寺賴等之徒也性堪勤苦  
嘗修千日護摩時時絕食至散日本師賴真

設飯食與之救辭曰我自今不食欲知絕食之命期又願回此苦修施六趣之渴乏衆人勸解而不許語弟子勝命曰我今斷語食而自居非吾呼不來告自爾不通謁過旬呼命曰我今命竟汝速往房言此事命走筭所告之相去一里許筭馳來開戶見之手結定印跣跌而化異瑞甚多壽七十治曆年中也

釋仙命波列人也幼上台山無動寺習止觀兼念彌陀額鏤三寶字背點圖彌陀像嘗詣

四天王寺於聖靈堂對尊像燃一指時青龍

現形

太子手印記曰荒陵池有青龍護伽藍佛法

指燈竭龍形隱

又徃徃詣靈場燭手足指或空中有聲讚嘆

或夢裏人告徃生期嘉保中普告山中向西

而終年八十三

釋信敬楞嚴院之學徒也常誦法華嘗曰我

斬剥皮骨供養佛法先截手指供不動明王

次斬左脚骨刻釋迦像燃脛骨漸愈行步如

故次剥手皮啣彌陀三尊像次以手指骨刻

觀自在大勢至二像天承二年六月深時疾  
病苦劇甚弟子恐訝臨終念彌陀安祥而逝  
釋蓮照持法華有至行寒冬脫衣與凍人飢  
朝讓食於餓者好服弊衣饑蚤蟲又裸入汗  
池食膚於蜡蛭一時入山啞身蚊虻體大脹  
受大苦友人告曰此脹處蚊子也灸藥文治  
乃愈照曰若治脹處殺多蚊蛭豈害多生活  
一身乎寧取命終不忍為也忍苦誦法華夢  
聖僧讚曰善哉沙門憐愍有情慈悲空深忍

辱衣厚以手摩澤脹處夢覺痛息忽脹肉破  
裂無數蚊蛭飛空而去其瘡自合亦無痕  
釋應照居紀州那智山誦法華每至藥王品  
隨喜追慕一時絕穀鹽膳松葉爇為燒身之  
具至期著新紙法服手執香爐跏趺薪上向  
西方勸請諸佛發願曰我以心獻妙法蓮華  
經以頂獻上方一切諸佛以脚獻下方一切  
諸佛以背獻東方一切諸佛以胸獻西方一  
切諸佛以左右臂獻南北二方一切諸佛以

誦法華以方便七返入獄

見莫不敬嘆

釋春朝音韻和雅巧誦法華聽者忘倦嘗見  
囚囚悲嘆曰此惡輩已依惡作來此今受嚴  
刑思想皆惡只益惡報以何方便令種佛種

乃發大誓曰吾當七返入獄令諸銅黨聞法  
華便往貴家盜銀器家人捕之付獄吏適皇  
子知朝者下令於廷尉曰春朝者善人也不  
加刑朝已下獄誦法華其聲雅麗罪人聞之  
合掌淚下廷尉夢白象群獄所諸天無數下  
來大理卿又夢普賢乘白象手捧鉢飯立獄  
門人問所由菩薩曰供春朝大理驚告廷尉  
出朝廷尉又說夢相顧嘆異如是出入五六  
度廷尉議曰朝之罪狀非一二虛靈免刑恣



心作盜且雀輕削二足止後犯獄吏追朝往  
北野欲行刑朝舉聲誦法華其音哀婉官吏  
感泣而捨去其夜廷尉夢天童告曰朝上人  
為救囚徒七回入獄是亦菩薩大悲方便也  
朝後散死北野鬪髻每夜誦法華有一僧取  
鬪髻收山中

○釋永助甲州人也移豆州修禪寺暮年限一  
期修念佛期終積薪焚身其煙遙騰成紫雲  
邑人哀感敬嘆

○釋叡効早入園城寺學教法後聞石間寺觀  
世音靈感往彼晝絕作語讀法華三千部夜  
禮像各三千拜六時修法華密供過三歲已  
回此淨業為安養資便上道場西南大葛樹  
投身時神人以袖受効不下地置別處効又  
投神又受如是三度効思時之不至歸三井  
朝廷聞之授僧官此像秦澄法師之所刻葛  
樹者像材之餘材也  
贊曰梵網曰剥皮為紙刺血為墨折骨為筆

書寫佛戒楞嚴曰其有比丘發心決定能於  
如來形像之前身然一燈燒一指節及於身  
上執一香炷我說是人無始宿債一時酬畢  
乃至若不為捨身微因縱成無為必還生人  
酬其宿債法華曰若欲得菩提者能燃手足  
一指供養佛塔勝三千大千珍寶供養諸修  
多羅此類多矣故先佛救鴿飼虎七處受刃  
千瘡然燈不勝枚舉焉是大士忍悲交發之

見者也不然爭知吾慳志確操乎又夫烈士  
之赴難也猶遊戲娛嬉者何彼蹈義而不移  
耳烏乎義者道之一岐也彼尚奮勵感激者  
若斯况與道為期乎宜哉諸子萬苦千楚不  
磷不緇乎蓋與道為期也是以刻佛斬骨圖  
像剥皮入獄陽盜取死自飢頭腦碎而偶牛  
吼力士倒而

潛龍飛委命也尊像淚滴投身也神人袖披  
身薪指燈分光輝於六趣蚊餐蛭膳貯資糧

於三祇善哉佛子健忍深悲者乎

元亨釋書卷第十二

開板幹緣比丘單況命工刊行



慶長第九甲辰秋七月十五日寫足之功訖

筆者純長日允

